



Protocol

Dalla 17. radunonza generala dil Provediment d'aua Medel/Lucmagn, gievgia ils 20 da mars 2025 allas 20.00 uras ell'aula dalla scoletta a Curaglia

Tractandas:

1. Beinvegni
2. Elecziun d'in dumbravuschs
3. Approbaziun dil protocol dils 21-03-2024
4. Presentaziun ed approbaziun dil quen 2024
5. Rapport dil president
6. Program da lavur 2025
8. Fixar las taxas d'aua per 2025
9. Elecziuns / reelecziuns
 - a) Actuar
 - b) Revisur da quen
10. Varia

Perstgisas: Rico Bearth, Pauli Pally, Werner Venzin

1. Beinvegni

Il president Alfons Venzin fa a tuts presents in cordial beinvegni tier la 17avla radunonza generala dil Provediment d'aua Medel/Lucmagn.

El menziunescha che l'invitaziun cun la gliesta da tractandas seigi vegnida publicada conform als statuts dil Provediment d'aua.

Sin la damonda per midadas ni amplificaziuns dalla gliesta da tractandas vul negin fa menziun. Pia fa il president la tscharna per approbar la gliesta da tractandas per questa radunonza sco publicada.

La gliesta da tractandas vegn approbada unanimamein dils presents.

Aschia declara il president la radunonza sco aviarta.

2. Elecziun d'in dumbravuschs

Sco dumbravuschs vegn Arthur Venzin proponius ed era elegius.

La radunonza dumbra ensemen cun la suprastonza 14 vuschs.

3. Approbaziun dil protocol dils 21-03-2024

Il protocol dalla 16avla radunonza generala dils 21-03-2024 ei publicaus sin nossa pagina d'internet.

Il president fa la damonda sch'ei dat aunc damondas ni giavischs per midadas vid il davos protocol. Sinquei che negin dils presents giavischa il plaid fa il president la tscharna d'approbar il protocol aschia sco el ei publicaus. Quel vegn approbaus unanimamein dils presents.

Il president engrazia agl actuar per l'ediziun.

4. Presentaziun ed approbaziun dil quen 2024

Per la presentaziun dil quen 2024 dat il president il plaid al cassier Cedric Flepp.

Il cassier declara il quen il qual el ha repertiu als presents.

Il total d'activas resp. passivas munta ad 1,529 milliuns frs. Il capital agen secloma 252'999.- frs.

La sperdita da 102'021.- frs. resulta ord entradas da 165'232.- frs.

Ed expensas da 267'253.- frs.

Igl onn 2024 havein fatg amortisaziuns en la summa da 297'932.- frs.

Las entradas ein carschidas per 38'403.- frs. Quei muort pli grondas entradas dallas taxas da colligiazion.

Ils cuosts da persunal ein carschi per 1128.-frs.

Momentan secloma nies capital d'emprest 1'260'000.- frs.

La davosa pagina dil quen muossa ina documentaziun da nos projects actuals e lur bilanza per la fin digl onn 2024.

Il quen detagliau sco il cassier ha scret el, ei publicaus sin nossa pagina d'internet.

Il cassier dat il plaid als presents per damondas.

Corsin Flepp fa la damonda tgi che surpren ils cuosts per dustar igl aquaduct vegl da Fuorns cura che quel vegn mess ord funcziun.

Il president pren il plaid e declara ch'ils cuosts per dustar igl aquaduct vegn da Fuorns vegnan surpri dallas instituziuns per la protecziun digl ambient.

Autras damondas dat ei buca. Aschia dat il cassier il plaid als revisurs da quen.

Il revisur Hanspeter Bundi pren il plaid ed engrazia sco empren al Cedric per sia buna lavur sco cassier. Il quen ei menaus endretg e professional, tut ils mussaments ein avon maun. Ils revisurs fan la proposta da dar scarica al cassier cun approbar il quen 2024 sco el ei vegnius menaus dil cassier.

Il quen vegn approbaus unanimamein.

Al cassier in grond engraziament per sia lavur.

5. Rapport dil president

Sco mintg'onn dat il president in cuort rapport dil schabegiau igl onn vargau.

Il pensum principal dil Provediment d'aua Medel eis ei da remplazzar la vischnaunca e representar ils dretgs e las obligaziuns sin quei sector. Era cheu crescha la responsabladad e las leschas, las perscripziuns vegnan onn per onn pli strentgas e pretendan adina puspei remaduras cun grondas investiziuns vid l'infrastructura.

Igl onn 2024 ha purtau dabia lavur tier il Provediment d'aua.

Ils 14 d'uost 2024 haiel priu l'aua per las controllas da qualidad. Nos'aua ei da fetg buna qualidad e corrispuda conform alla lescha en tuts quater aquaducts, sco era allas fontaunas novas si Val Parada. Ils resultats leutier ein publicai sin nossa pagina d'internet www.auamedel.ch

Sanaziun vias a Curaglia :

Igl avrel 2024 ha las lavurs da sanaziun dalla Via Canduglias e la Via Iert la Mola entschiet. Nus havein remplazzau tut las lingias d'aua ed ils hidrants el contuorn da quellas duas vias. Il hidrant sur la Medelina ei buca vegnius remplazzaus pli. Ils proprietaris privats han remplazzau silmeins ils sclusadur e las lingias tochen sper la via. Quellas lavurs ein vegnidas subvenziunadas dalla confederaziun, cantun e la segirada da baghetgs Grischun cun 50% dils cuosts. La vischnaunca ha medemamein empermess da surprender 10% dils cuosts. La collaudaziun dallas sanaziuns digl onn 2023 e 2024 ha giu liug l'entschatta december 2024. Cun la polizia da fiug dat ei aunc ina collaudaziun dils hidrants la primavera 2025.

Provediment d'aua Fuorns ed Acla

Igl avrel 2024 havein dau l'emprema badelada per il niev aquaduct da Fuorns ed Acla. Quellas lavurs ein repartidas en treis sorts. Lingia da transport dallas

fontaunas tochen al reservuar, il reservuar e lu la lingia da transport tochen Fuorns. L'entschatta havein giu enqual sfida cun l'aura dalla primavera. Dis da plievgia astgavan neginas maschinas luvrar. Tochen e cun il reservuar ein las lavur lu idas bein vinavon. Igl atun havein duvrau bia premura per dumignar la firma da baghegiar vid la lavur. Aschia ch'igl ei la finala buca reussiu da colligiar il vitg da Fuorns cun il niev aquaduct. Quellas lavurs vegnan aschia continuadas questa primavera. Era vegnan il mises da Surtatschas colligiaus cun aua e la turbina installada la primavers 2025.

Ruttadiras da lingias :

Plascheivlamein havein giu neginas ruttadiras igl onn 2024.

Zonas da schurmetg S1:

Las seivs per schurmegiar las zonas da schurmetg a Pazzola e Puzetta han las alps fatg.

Igl uffeci per la segirtad da victualias e per la sanadad d'animals dil Grischun aveva annunziiau ina controlla digl aquaduct da Mutschnengia e Platta. Quel vess giu liug il november 2024. Muort la neiv havein stuiu refierer quel sin la primavera 2025.

Ordinatur da QS :

Il provediment d'aua ei suttames al sistem da QS. Il biro d'inschigniers Lutz aveva creau per nus quei ordinatur. Tier la davosa controlla entras igl uffeci ha quel criticau nus, che quei ordinatur seigi buca cumplets e strusch practicabels per nossa lavur. Igl onn 2023 havein nus lu ordinau il biro ipz da realisar in ordinatur che corrispunda allas leschas digl uffeci e ch'ei pli sempels per nossa lavur. Ussa ha mintga survigilader in ordinatur per documentar sia lavur continuadamein ed in exemplar cun tuts documents tier il president. Nossa experientscha cun quei document tochen ussa ei positiva.

Suprastonza

La suprastonza ha teniu 4 sedutas igl onn vargau. Ina da quellas ensem en culs survigiladers d'aua. Dasperas han aunc entginas uatgas giu liug.

Per concluder lessel engraziar a mes consuprastonts sco era al gerau Corsin per la buna collaboraziun. Medemamein in engraziel fetg als survigiladers d'aua per lur engaschi. Els fan fetg buna lavur. Engraziel fetg.

6. Program da lavur 2025

Per igl onn 2025 spetga puspei in vast program da lavur.

Curaglia:

Per igl onn 2025 ha la suprastanza communal decidu da buca sanar vias el vitg da Curaglia. Aschia vegnan era neginas lingias d'aua remplazzadas.

Aquaduct Fuorns/Acla :

Tier igl aquaduct da Fuorns/Acla vegnan las lavurs cuntinuadas proximamein. Cheu dat ei aunc dabia lavur. Las davosas lavurs d'installaziun el reservuar a Clavarut han gia entschiet. Quel vegn lu aunc schubergiaus e desinfectaus. La turbina vegn ils proxims dis prida en funcziun.

La colligiaziun cun il mises Surtatschas suonda sco proxim ed ad Acla vegnan las casas privatas colligiadas cun la lingia da transport.

Cura ch'il niev aquaduct ei en funcziun vegn igl aquaduct vegl dismiss.

Corsin Flepp fa la damonda sch'il Provediment stoppi prefinanziar quellas lavurs ni sche quels quens mondien direct tier ANU.

Cheu sa il president buca dar risposta. Quellas lavurs e finanziaziun ein aunc buca planisadas en detagl.

Duri Lutz damonda sche las lingias sut tiara vegnan era allontanadas ?

Na, prevediu eis ei da dustar mo quei ch'ei sur tiara. Pia las treis stivas.

Tgei che schabegia cun il reservuar ei era aunc buca enconuscent. Il caset vegn a restar vinavon. Lez vegn duvraus per la reit dil func policom.

La seiv da schurmetg per la zona S1 a Tegia Nova surpren l'alp.

La seiv si l'alp Puzetta stuein buca far pli.

A Plimata basegna ei da marcar daniev ils cunfins la zona da schurmetg S1.

Gerau Corsin Flepp informescha che la sanaziun dallas vias a Curaglia vegn buca continuada per ils proxims onns. L'emprema prioritad ils onns 2027/28 hagi la via da Mutschnengia e per suenter mondi ei puspei vinavon cun la sanaziun dallas vias el vitg da Curaglia.

Arthur Venzin fa la damonda tgei prestaziun che la turbina a Clavarut hagi ?

Tenor las calculaziuns dil biro d'ingeniers ha la turbina ina prestaziun da 10 kW ed ina producziun annuala da 60'000 kWh.

Legreivlamein savein dir ch'ils cuosts per la turbina ein subvenziunai cumpletamein.

Autras damondas ni amplificaziuns per il program da lavur dat ei buc.

Pia fa il president la damonda per approbar quel sco el ha gest presentau. Il program da lavur per igl onn 2025 vegn approbaus unanimamein.

8. Fixar las taxas per 2025

La suprastonza fa la proposta da schar las taxas d'aia vinavon sco igl onn vargau. La suprastonza ei dil meini, che las taxas ston vegnir alzadas ils proxims onns. Igl onn 2025 nezegein per analisar nossas finanzas ed aschia calcular igl augment dallas taxas ch'ei basegna, per ch'il Provediment d'aia possi surmuntar las investiziuns fatgas ils davos onns. Las taxas ein vegnidas alzadas la davosa ga igl onn 2021.

Il president dat il plaid als presents per exprimer auters meinis. Negin che giavischa il plaid.

Il president fa la damonda per laschar igl onn 2025 las taxas d'aia sco igl onn vargau. Numnadamein : classe d'object 1: 130.- frs. classe d'object 2: 200.- frs. classe d'object 3: 350.- frs. e classe d'object 4: tenor pauschala.

Ils presents sustegnan unanimamein quella proposta.

9. Elecziuns/ reelecziuns

Uonn egin nus igl actuar per ils proxims treis onns. Igl actuar Otmar Venzin ha buca demissiunau e stat a disposiziun per la reelecziun. Ha enzatgi dils presents in'otra propost per l'elecziun digl actuar. Neginas propostas.

Pia fa il president la proposta d'elegier Otmar Venzin per ina ulteriura perioda sco actuar. Ils presents elegian igl actuar unanimamein.

Il president engrazia agl Otmar per siu engaschi.

Vinavon vegn in revisur da quen elegius. Era cheu ha Hanspeter Bundi buca demissiunau e stat a disposiziun per la reelecziun. Autras propostas dat ei buca.

Pia fa il president la damonda d'elegier Hanspeter sco revisur da quen per ils proxim treis onns. Ils presents sustegnan quella proposta unanimamein.

Il president engrazia era al Hanspeter per siu engaschi.

13. Varia

Il president dat il plaid als presents per far damondas sut varia.

Hanspeter Bundi pren il plaid e damonda daco che las tegias si Surtaschas che han negin'aia en tegia pagan ina taxa d'aia.

Il president declara che la differenza si Surtaschas seigi che si leu havein nus l'obligaziun da schar flessegiar d'aia en in begl igl entir onn. Pia era durant la stagiun d'unviren cura che l'aia ei pli scarta en nos aquaducts. En tut ils auters mises che pagan buca quella taxa vegn l'aia en ils begls tschentada giu durant

ils meins d'unviern. Quei ei stau ins convegno enteifer la fusiun cun igl aquaduct dad Acla.

Auter negin che giavischa il plaid.

Il president envida tut ils presents da aunc star in mument e far in sitg da cumpignia suenter la radunonza.

Cun quei invit siara il president la 17avla radunonza generala, el engrazia a tuts presents per lur preschientscha e giavischa silsuenter a tuts in bien retuorn a casa.

Curaglia, ils 10-04-2025

Igl actuar :

Otmar Venzin